

雞

肋

集

濟北晁先生雞肋集目錄

第六卷

古詩

玉溪歸逢甥李相如汴中

送學生李公裕兄弟赴省集

次韵太學舒博士堯文示同志

次韵蘇翰林五日揚州石塔寺烹茶

題四弟以道橫軸畫

桂漿

送舅氏楊通直令陽穀

贈王推官允中

之京師展墓

同畢公叔飲城東

題李成季負日軒

次韵李成季感事

同李主簿叔文飲北莊

夏季

曹州道中二首

病起呈李縣令希孝

贈金堤劉承制景文

次韵四弟以道十二弟叔與法王唱和兼
示无斃弟二首

濟北晁先生雞肋集目錄

終

濟北晁先生雞肋集卷第六

古詩

玉溪歸逢甥李相如沐中

蠻鄉俟天形畏蠹復憚暑夢甥來萬里竹響風動
宇如今真似夢相對別恨吐平生窘執轡白面力
如虎誰令斗指日江使墮漁罟桃僵李爲什遺珮
滿江渚常憂抱石死無復腳踏土邨知徼時願起
廢遇明主曠調已遠跡未用矜杜舉但憂世議隘
亡弓不亡楚吾甥學孔子况乃父母魯如聞四門

關未信遡涸沮上書閱魃旱膏以神靈雨北海自
有人高丘豈無女爾壯觀爾能吾崑固吾所期甥
二兒上餘子不足數何以喻吾心酌此湘吳醕

送學生李公裕兄弟赴省集

閉門圍火談開戶雪一尺黃昏具盃酒知君遠行
役君家三兄弟頗謂各無敵容父學知方大道通
四驛吉父尤頡頏天池觀水擊仁父少而奇乃是
夜光璧李侯有此子便可臥安席家居樂與餌聊
以止過客豈無一束芻空谷不可食宵人操寵利

徒手捕蜴蜥公等寧復然烏黑鵠自白屠龍業有
用未厭所從僻富貴念替時城東雪中跡

次韵太學舒博士堯文示同志

北門望瀛關一葦初莫渡

頃官大名堯文在高陽

儒宮連案

几會合豈非數蟬鳴幾何時庭菊下白露念當慰
佳節觴酌美無度不然坐歲晚流景急飛兔區區
人一馬官舍勤早暮經時枉見贈彌月不能賦竹
齋行茗粥寂莫當屢赴此君安可得霜雪不改故
詩如戰交地高處要先據牛羹君放飢轅鼎吾亦

飫顧慙詠伐檀無補餐已素還家便却埽況乃無
戶屨

次韵蘇翰林五日揚州石塔寺烹茶

唐來木蘭寺遺跡今未滅僧鍾嘲飢後語出飢客
古今公食方丈玉茗攄噫噎當年臥江湖不泣逐
臣袂中和似此茗受水不易節輕塵散羅趨亂乳
發甌雪佳辰雜蘭艾共弔楚纍潔老謙三昧手心
得非口訣誰知此間妙我欲希超絕持誇淮北士
湯餅供朝噉

題四弟以道橫軸畫

黃葉滿青山枯蒲靜寒水鳧雁下坡騰牛羊散墟
里擔穫莫來歸兒迎婦窺籬虎頭無骨相田野有
餘息

桂漿

暑臥午呀呷蠲煩何所投巖桂割辛芳石蜜滋甘
柔沃以火鼎沸閱之水井幽三日出溪幕明瓊盎
黃流冰火離坎類意比稊麥繆辛甘旣兩適不洒
亦銷憂中年苦內熱歲願西風秋寒涼犯所畏發

散資爾謀時時以觴客三獻不一酬緬思湘繫語
啜醢終所羞北斗酌此漿違世聊遠遊恐復迷吾
往僕悲道阻脩淮南歸來些憭慄令人愁百壺無
此餞夙志慕林丘寧懷小山感不爲桂枝畱

送舅氏楊通直令陽穀

人言慎縣宰頗似太丘君客戶有訓遣司官無訟
聞外家久寂莫舅氏少辛勤一邑何足道高名誰
與羣西來馬特特冬晚雪紛紛公朝道由砥孤士
跡如雲過門苦地僻下直迫日曛淡泥柱窳巷寒

鑪對殘燼感慨說宣子飄零綴遺文麟閣窘鈔槩
魚山失耕芸遠情等匏繫歸夢劇絲棼山東接畿
甸陽穀近榆粉吏笈猛豺虎民如竄麋麋幸逢寬
大時庶幾仁惠薰自笑下士策不殊野人芹愛民
宜百祿本茂實當賁

贈王推官允中

我生譬天星睨皖但空譽學經羞輪扁常恐老竄
向南游上會稽弱冠肆遠步便當期汗漫如鳥鍛
脩羽入宮又獨晚謠詠遭衆媿坐令平生交室冷

瓊不具君公牆東客清鑒美無度風期山水意千
載見此遇定疑丹青仙方我以癡顧豈繫才自疎
閱世真異趣伐柯理無遠要以一馬喻古人本不
死方寸有佳處三年禹河曲日見車馬渡何知謝
剝啄黃土衣易汗無人尚有子獨載城下路功名
喧口實簪組託肺附請看餅罌滿取蹟病不去脫
黏窺本初須子遺所寓林迫倦東西林間尚寬裕
之京師展墓

短轡馭羸馬馳驅曹濟間商飈折勁木蕭瑟道里

寒況復慕所天，惻愴摧心肝。
游子歎時邁，慈母憐衣單。
來時憑窗哭五妹，垂脩鬢。
季弟主菽粟，孺妻裹茅菅。
悼我無令人，莫奉堂上歡。
豈無萱草詩，終日倚門闌。
念咎常獨立，所聞詩禮難。
我尚未成人，遭罹此憂患。
歲晏念墳墓，此離百哀攢。
何時奉靈車，辛苦向此還。
親寡氣力微，傍人祝加餐。
願言薄志節，苟生無形顏。

同畢公叔飲城東

西城昔相值，桃初兩三紅。
翩翩鶩長陌，春風搖馬

鬢後君歸幾日游絮已濛濛解鞍不待憩相命古
原東芍藥雖俗花狂姿幸時供平生於知己千過
不一逢感君欲開口清淚出霑胸君如陶淵明不
爲五斗恭胡爲青綸上朱墨紛外蒙棄官能從我
短後追田翁銅斗釀秫麥竹枝弋鳧鴻何必悲無
衣緼賡聊御冬九辯太高潔五噫苦羈窮置此無
滑和天情反其中市藥非市名名聞藥何庸十漿
饋五漿猶畏聞者從如何鄴城畔夜夜生長虹

題李秀才成季負日軒

李自號
天隨子

盧敖遊八極末至此陰墟卒然蒙谷幽覩一奇丈
夫淚注而鵞肩淡目玄髭須軒軒迎風舞自得樂
有餘見敖默弗言慢然下臂趨敖私躡其後若士
意不愉曰子亦何爲迷繆至此乎此雖窟荒北尚
或逢日鳥過是有玄關晦墨不可居語竟若欺魄
攝身沒空虛始予讀秦記疑是忽帝徒今聆天隨
言乃與夸父俱逐日下虞谷力窟尚嗟吁陽舒固
物理我亦安于于若士獨何氣幽沈山海隅渾沌
死已久人生信多塗

次韵李成季感事

吾廬無餘地文字散堆案雖微清溪鶴著畫亦幽
玩高人來何疎午榻動成軒夢聞足音喜不待搖
枕喚居貧少煙火餽食尚須肝出門兀何之踉蹌
從欵段吾人古遺隱見足閔同患負日持獻君狐
白不肯換商歌叩牛角長夜安得旦颼颼滿屋風
黃葉散投慢楚屈若靈龜出處思過半所從聊自
知何用詹尹算不如天隨生頭憤終日岸況君擊
莊缶一念腸九轉人方臥大室子獨號其畔寒山

來助哭咄爾勿嗟惋

同李主簿叔文飲北莊

蕭條蓍收窮疎樹失穠紺北風動地起雲攬紅日
暗李君邀我游餽藪治寒檐相攜二三子歛若符
節勘愧非谷口隱佳會良可暫茅堂兀四壁誰識
此意淡古徑無俗尋陳編有幽瞰一聆君子語梁
肉幾厭啗婦來馬河北寂寞晚舟纜吾生事逃伏
優游亦何憾

夏季

夏季百果繁兔葵亦成實獨有野石榴幽花時熠
熠熠熠非獨好芳榮賴午日翩翩彼白蜨髣髴粗
采挹睡餘起對此嘉興亦蕭瑟良非阡陌麗敢競
陽春出無言以成蹊上愧桃李質幸當飽霜餘萬
顆富君室

曹州道中二首

天旱久不雨四郊多狂風蕭蕭班馬鳴落日大野
中君子守宮廷至樂聖所同喟予不逢辰足跡道
里重

驅馬上高原秋風吹客衣感時有所懷送目鴻雁
飛羸僮惑岐道日暮相際稀愧彼倦翔鳥知還良
庶幾

病起呈李縣令希孝

次公惡醒狂得酒要自濁病聞南隣邀不往亦踴
躍空床成展轉假寐風雨惡中虛氣襲逆妄夢時
可愕每慙張隱居凌旦發囊藥曉來天境清日出
鳥語樂家人語南軒青杏已可嚼復云竹齋前堦
庀有進籜欣然欲舉手紗帽未能著平生李夫子

相得懷抱廓何當戒長鬚夙駕慰寂莫桮杓恐不
勝快語聊一噱

贈金堤劉承制景文

漆園說海若稷下談神州長劔堪倚天語大世莫
酬少狂豈其然及此日月流稍知畫足非萬事指
顧休夫子更高識未沫於前修棄流聊復駛得渚
正須畱蓋有幸遇魯何能必爲周徜徉下澤車驚
駭入谷騶對酒尚青眼吟詩將白頭山陰論往事
陳迹詎能收

次韵四弟以道十二弟叔與法王唱和兼示
无斃第二首

少時勇遊山說山喜動色中年謫南方廬阜得溪
歷當時不類謫忘腰帶之適怪人肝鬲異破賊喜
折屐只今竄林下織衣而畊食緬懷茲兩士吾宗
氣相得吾春種桃時子曉尋嵩日似聞黃面子爲
採烏頭出去年陟岱宗一士世莫識天門邀之下
傾倒意已極斯人與人異龍虎兩超忽重尋亦無
路顛雨石崖坼

吾人伯仲間一語可物色氣自寡所諧窮乃足所
歷家風藐五世不肯適人適意行無險易又跣不
著屐文詞如苦李慘腹人莫食猶矜不傳妙坐恐
兒曹得學憐新又新老奈日復日伯以最恬愉何
由採之出无斲能寡言猶堪謝前識叔與氣尚豪
措頤視屋極斯文惡表裸枯魚戒所忽應如魯宮
籀藏壁俟其圻

濟北晁先生雞肋集卷第六

濟北晁先生雞肋集目錄

第七卷

古詩

同劉景文登大安閣

次韻張文潛飲王才元家

次韻范翰林淳夫送秦主簿觀

次韻荅秦觀見贈

北京學直舍對客

盧齋

直舍卽事

昨日雪已佳約李令希孝

同文潛送况之諫議十四丈守潞過成季
作

送梅校理子明通守杭州

送呂承奉至山從呂龍圖晉伯辟秦州機

宜

曉發樓子莊

禮部移竹次韻李員外文叔

次開祖使君韵兼呈端叔大夫聖域長老

次韵錢濟明贈感慈長老

送八弟无斆宰寶應

和關承議彥遠水樂

送君

上馬

試院次韵文潛欲知歸期近呈天啓慎思

栽花招泗州叔父

濟北晁先生雞肋集目錄

終

濟北晁先生雞肋集卷第七

古詩

同劉景文登大安閣

劉侯先將軍忠義當代顯
暗噫指戎虜却走自相踐
西坡坐首鼠勢感不得免
天憐壯士窮有子如此鮮
清時鑄農器文字正須勉
行吟畔牢愁憤排亦足遣
時春曠雲梯仰視天宇展
下俯河兩涯牛馬細不辨
達生匪行怪未用驚邑犬
官闕尚數臨洺澤要清淺

次韵張著作文潛飲王舍人才元家時坐客
戶部李尚書公擇光祿文少卿周翰大理杜
少卿君章黃著作魯直

霜雪埋百花及時鬪春陽城南有高士買屋入花
藏經時不出門爲花日日忙我居在何許近止東
數坊亦有佳公子連車換帷裳隔牆蜂蝶誼開戶
草木香仙人朱桃椎髮綠童臉芳此公不可見此
畫來遠方竹欹磨麻場柳拂輓轆床素兒雖小小
亦足侑客觴尚書廡廟具氣若冰壺涼忘年此賓

主吾黨有輝光人生走塵土歲月顏鬢蒼曷不休

沐暇過此薰修房宴坐二十年非癡實難量

王才元未

四十休官張戾不出家在家說緣忘尚擬問兩卿攜肴

借紅粧妍歌聽黃子不飲亦清狂

次韵范翰林淳夫送秦主簿觀

高詞自班馬短句亦陰何翰寫無窮已懷山赴壑
波溪耕待鉅艾療飢乃嘉禾機雲共一時未信來
者多老病愧羣豪魚山臨東阿蘇公門下客事業
皆不磨孫寶暫主簿靈槎會窮河它年九功敘當

使睦者歌業虞置牙羽筦簫復森羅鏞鐘欠一鐸
未害大樂和却欲從浮海珊瑚爛紅柯龍門雖箭
駛此志未蹉跎丹沙還黑髮流景爾則那仇池出

一派分江定有沱

事見蘇詩

次韵荅秦觀見贈

修身貴日新如草陳葉換請看絃上矢歲月不可
玩文章得蛙釜虎以皮遶難茲事從古然吾黨奚
獨惋秦君好學勇決勝百馬汗宵行委明月屢得
按劔盼鄙夫晚更事前猛窘新悞憐君亦自嘖意

滿懷不散誰爲傾國媒尚此瓊英粲期君似椽且
無以無人慢

北京學直舍對客

鳥聲落檐間竹色在戶外解屣置几前放杖當椅
背默然仰棟時往與古初會有時遺坐客十問不
一對尚因呼乃覺笑自謝頑昧知非慕遽子事去
等蠅蠅一生所未免飲食與眠睡所以更頽然可
樂本非內有心欲何用橋起則形累賴客同門生
曠蕩乃不愧

虛齋

虛齋閉疎窗竹日光耿耿更無司業酒但有廣文
冷人憐出入獨自喜往還省時作苦語詩幽泉汲
脩綆

直舍卽事

秋雲多重陰凌旦亦可樂虛齋坐亭午寒雨依高
閣王官有憂責霖潦河未落孝先但欲眠不奈弟
子諠黃花迫晚景白露下叢薄獨當慰佳節得酒
自斟酌

昨日雪已佳約李令希孝

昨日雪已佳今日雨亦好冰膚解萬木洗濯見枯
槁思君對此坐孤詠廢幽討明日尚相期春禽聽
清曉

同文潛送况之諫議十四丈守潞過成季作
午投李同年下馬汗如洗城南迫送客雖嬾聊爾
耳出門繚陂曙白鳥起溪葦佛宮橫晚霽窈窕間
一水借問客何人諫垣有直氣吾人浮丘伯聊可
與把袂如此邂逅何得酒亦佳事官閒猶有守旋

折箸六轡可憐千紅蕖的纏姹晚市便當風駕行
秋風如箭駛

送梅校理子明通守杭州

金明池上柳人折一枝春贈子意不淺東游雲外
身人生半刺史朱綬光四鄰此豈經世懷但慰墜
白親錢塘我舊遊頗復識其人不應山水改但恐
猿鳥新章臺走馬客冠蓋盡要津竊祿我自慙便
面聊障塵亦思一舟去共醉西湖濱時平自行樂
不爲千里尊歸來麒麟上獻納當及辰

送呂承奉至山從呂龍圖晉伯辟秦州機宜
去日劇奔驥新交非曩圖憐君事業長蔚若頤生
鬚表東海者誰君世有顯儒端委論百揆鞭弭雄
千夫二陳詩禮伯八荀紈綺雛嘗聞達大家可以
濟八區功名望聖世忠孝自吾徒我管拜秦州詞
林炳於菟見謂可與言鋤荒而破觚剗中不宿穢
味道因有腴斯文望若人顛沛一手扶白頭遠綏
邊狐兔安足驅汲黯在朝廷永絕淮南覲平叔不
關羌事正今日須令君携杖屨還向府中趨問訊

不棄捐寄聲亦疎迂何當質疑義賣劔老樵蘇

曉發樓子莊

曉發樓子莊淮山自茲近春風似惱客浪穩舟不
進長安一回首堤柳千里潤念當整帆席快若冬
蟄奮微生謝拘窘末路嗟鄙吝林花一迎笑岩鳥
相借問塵埃改顏鬢堅白畏緇磷江海慰高情飄
蓬自吾分

禮部移竹次韻李員外文叔

東南之美者見我以直幹豈如此君疎猶作此郎

玩此郎乃在此無乃材亦散平生吉甫頌意鄙枚
叔亂坐狂得此冷對竹頭幘岸尚思殺青書充宇
白虎觀恐此愧子猷還成倚楹歎

文叔有
志史事

次開祖使君韵兼呈端叔大夫聖域長老

神龍異凡馬頭角要須斂邦公七歲時驚耳一語
險悟身非常住風日過河減崢嶸法雲窟跳出有
家範金剛不吐焰已落天魔膽一派感慈中無波
寒湛湛是波本非水無以瓦礫點低枝競聽法草
木有情感作解受羣邪砥硤疑琬琰居然身出定

面目本來儼而我久塵勞見之良內慊周侯老詞
句太華聳而黯自說少苦心脩塗肆竄覽李侯遺
世事不琢元無玷文采麗春葩百牘交千槩顧慙
土炭嗜畏疾非羞儉望不見水端譬河還少貶請
佩伯陽言吾非勇於敢

次韵錢濟明贈感慈長老

我聞棲禪人一念超十地云何別影事未免依緣
氣譬如幻男女機廢根隨廢不然怖頭走此病窮
三世邦公師子吼曾使諸天喜廣說無說時俱成

甘露味不知室久如當有天來侍城隅竹塢近梵
剎開嚴闕以彼宄中空清風自來萃我生久更事
求愚不求慧清風已說法不用重宣偈開祖照人
姿滄波白蘋際居然九奏妙往往魚龍戲濟明經
世才彫松識寒歲懷寶竟迷邦此豈非良計名山
尋勝士投老終溪詣我自所蘄廉蟬葉真堪蔽

送八弟无斃宰寶應

窮邦迫秋成霖雨厚土溼遭吾上涑水淖洵三峽
疾邦人送之子岸潦飲馬膝淒淒屬方升澹澹驚

竝集衝湍順塗路游波滙原隰安知禾黍腐轉覺
蛙黽急何由乾此潦問天借九日蕭蕭荆棘晚疊
疊霜霰密之子向南州銅章宰一邑何須念宋遠
古謂跋余及揚舲堤柳盡把醴淮山入封圻吳楚
傲郡縣秦漢襲開門駟僮閑輳浦篙帆翕平旦書
百函交衢客三揖新湖客鼓鑄甲令貴綏輯之子
寧詞科聞詩不讀律古來學爲吏頗自吾儒出足
民輿知方求由有政術鞭笞麀鹿駭亦恐日不給
先君卓魯後之子况早立焚香閉閣坐啾耳從藻

減官忙尚偷閒文字要業岌

和關承議彥遠水樂

上盆五尺高下盆二尺廣
咿叻蟻穴間飛瀑一線
響關侯初爲此避世挹蕭爽
晁子亦欣然閉戶穿瓦盎
虛堂一畝靜純白四隅敞
中央渾沌胚儵忽所求往
鑿窾令語言豈但一成兩
危峰下俯瞰石井黝然仰
奔泉決背落慘澹陰窳想
明珠溢盤盂白露溼塵埃
擊音通大道斷竹自誰賞
何曾憂擊關餅岳日夜長
初疑風隕鐸驟雨來奔蒼
乍似酒

落槽夜枕聽惚恍鳴禽雜啁哳物彪亂舂蜜相依
欠林樾見蔽賴惟恍范侯驚側耳李令笑抵掌張
侯助我懶不憶稅歸鞅雲間余仲弟聊可樂吾黨
中和非外物此理未宜罔相勸戒勿傳名字遍天
壤撞鍾鼎食事老罷不知饗但怪一世狂端如轉
車輞能來解幅巾爲子濯泚頰

送君

送君上馬時不道朝爐燠春風入木心
皮肌發紅
綠春風良易算
擲得勤行路且莫望南窗胡蝶飛

無數

上馬

上馬笑屬君歸期在十日來時草白芽歸時青鬱
鬱來喚馬蹄急歸喚馬蹄緩人心自如此馬蹄終
不變

試院次韵文潛欲知歸期近呈天啓慎思

眉山得張侯心許出一手臨川見蔡子千載慰遯
逅鄧君起南國磊磊看三秀譬如黃鍾陳我尚瓦
釜吼欲知歸期近喚馬牽出廡官壺持餉婦傾寫

不漬口千章輸明堂勿問草澤有羣公自凜凜水
鏡照妍醜

栽花招泗州叔父

春園移春栽芽孽杭粒大東風日日吹噴吐不暇
裹楊梢青猶未桃萼紅尚可田蔬美已最村醕醇
亦頗少年慕立事幸得能幾箇艱難合歸來茅屋
聊共佐

濟北晁先生雞肋集卷第七

濟北晁先生雞肋集目錄

第八卷

古詩

次韵閻秀才漢臣食兔

和蘇翰林題李甲畫雁二首

秋竹

郊居與八弟无斁讀書

用无斁八弟永城相迎韵寄懷

次韵荅葉學古

次韵蘇公和南新道中二首

感懷追和柳子厚郊居歲暮韵

次韵伯温甥池上八首

次韵彦遠相州道中二首

永嘉縣君赴潁州杜丈之喪送至鹿邑境

上贈別

綴古詩語送无斁弟赴舉

贈文潛甥楊克一學文與可畫竹求詩

補樂府三首

豆葉黃

漁家傲

御街行

濟北晁先生雞肋集目錄終

濟北晁先生雞肋集卷第八

古詩

次韵閻秀才漢臣食兔

兔誠中山族中古稍分裂唐虞用大牲雖有目未
嘗觀孫能飛仙飄忽天漢決不逢易牙試厥胃幾
泯滅羿狐殪陽鳥曾不弋在穴王良馬慢忌撲握
幾奔掣初遭趙趙子鼎飪飪毛血中逢宋鵠窘飢
吻啄原雪叔世削格多星迸失行列蹄窮不得逸
如鼠限高關應憐蚌潛水暴腹想江月脣亡欲誰

語竟死猶結舌肩尻弱易解狼藉腥尺鐵抽毫置
筠管復苦蠹魚齧論功在冊府微物推爾傑剡藤
光奪練抄記良瑣屑北鄰閭夫子尚忍資盃噉得
諸韓盧口實以彊暴劣作詩誇芳美此譽寧所悅
不如狐膏豚質賤甘棄絕冢妖老通數藤索夜空
設爾曾不及彼就獲徒內熱聆聲無聳耳當學縮
頸鼈吾君阜萬物沛若澤未竭誰能復古初此味
儻可缺

和蘇翰林題李甲畫雁二首

畫寫物外形要物形不改詩傳畫外意貴有畫中
態我今豈見畫觀詩雁真在尚想高郵間湖寒沙
璀璨冰霜已凌厲藻荇良瑣碎衡陽渺何處中泚
若煙海

蕭條新湖秋霜落洲渚潔蓮垂蘭杜死菖蒲見淡
節慘澹沙礫姿清波侶羣鴨往時吳興守看畫憶
茗雪爲儀尚不污孤高比雲月聞在雪堂時滿堂
唯畫雪

秋竹

秋風多煩寃竹是歲寒物朝寒堦玲瓏暮寒堦
邱
勿翻然下一葉未覺瘦齒岑豈無陳根旁寂莫衆
頭屈何時雷填填看爾射地出

郊居與八弟无斁讀書

坐狂得世捐作官故不了十年未弛負半世不黔
竈居然顏玉雪及是鬢蓬葆碧山已焚魚白水初
種稻瓜區可淡隱圭竇便却埽之子懷世資行脩
名譽好避人本愉恬坐我亦枯槁
无斁以余
故得監廟頃求
田野處政以城郭擾常時暇此別幸爾晏言笑如

蘭豈異臭覆瓿本均好去聲不懲范釜塵尚作韓編

盜斲輪元戒疾紵絮非病少莞爾勸之休怡然守

而繆翻思南遷久祗幸北歸早三已令奚愠四至

卿誠巧所欣顛木葉莫羨姣人瞭同氣靡間言它

人關忠告貧居無酒肉窮巷有撰討葵作飽蓬蓬

茗澆憂悄悄長閑味更永競進念已勦目鴻天蒼

蒼夢蝶日杲杲蘅皋美新雨藜杖邈高蹈營齋直

新徑創檻俯幽沼架以我園檀芙之子官草无數月給

芻也優游聊卒歲邂逅可同調佩玉子終翔苑裘我

方老囊中餐玉法，櫪上追風驪能知面不覩。未用
心如攪平生夔契慕，晚歲瞿聃妙但欲入林溪子
來應問道。

用无斃八弟永城相迎韵寄懷

平生殫千金術，似劉累僻春風九軌道。無我迷陽
跡呼來著冠統野貌，不改昔易衣憐介弟猶有布
一尺身慙崔浩短胸次，儼列戟中天翥鸞鳳我自
無六廟何曾容權貴，見謂貧盜璧堂堂涑水翁。我
在此人籍不詆曲江賢寧羞九年謫，艱難累吾母

鬢髮白一夕獨此負吾心
敢言忠抱石方時半千
運異咎陽九厄譬馳羊腸
坂雙任臣子責帝王所
張施乾坤有闔闢君敷
皇極言人詠蓼蕭澤鳧魚
競飛躍風俗凜移易已開
公府閤又置四郊驛接
求逮田野欣喜到僮役
雖微攜手上頗似破箴釋
川塗見吾弟薪木詢我宅
憐君如我固不歎玄尚
白薄飲盡餘醅凝塵振
鹿席我醉易成狂欲起
須君掖

次韵荅葉學古

管我遊武林值子長江頭我時方南轅子亦將西
舟相見兩大笑典衣上高樓樓高不知暑五月凝
清秋環觀四山明俯視萬井稠喧喧市中人日暮
歌吹浮忘形與子飲一醉餘無謀湖上荷花生黃
鸝飛柳洲翻然搖兩槳下上逐輕鷗不覺脫塵世
自謂逍遙遊晚訪城隅寺竹林森如幃斫薪煮山
茗蕭洒破百憂脚懶屐屨開五日成淹畱肅肅太
史家門蘭閣且幽荒亭蔭疎桐雀鬪聞啾啾其人
絕世賢擲揄困時流唯我與吾子大軸更往投幸

聞一諾榮不受萬戶侯誰言王母桃方朔不得偷
未幾子告別西賓帝王州吳舩風雨夜送子不勝
愁八月子獻書高談夏商周惜哉天下馬驪牡煩
惟求我濫鄉老薦麻衣望前旒愧非鳴鳳祥斥去
還林丘三月我度江子行窮海陬相望遂乖隔慨
歎不自休逆旅善辱人虛激韓娥詎操瑟立齊門
乃反怨不收嗟哉子與我不幸斯人儔有客道閩
吳書詩眷綢繆開緘恍自失但覺膽氣道有如飲
貪泉海貨溢兩眸子詩益加富我句猶能哀春禽

與秋蟲引腹聊相酬

次韵蘇公和南新道中詩二首

山園芙蓉開寂莫歲云晚公來無與同念我百里
遠寒飈吟空林白日下重嘯興盡還獨歸挑燈古
囊滿

讀公棲鴉詩歲月傷晚晚公胡不念世蠟屐行避
遠羈鳥翔別林歸雲抱孤巘我才不及古歎息襟
淚滿

感懷追和柳子厚郊居歲暮韵

殘暑夜如炊曉風吹蕭索開門望林木引蔓修籬
落所欣塵累遠不恨生涯薄心事少于雲白頭成
憶昨

次韵閻甥伯温池上八首

文饒論百揆豪氣闊天宇歸來坐平泉草木何足
數只今和文弟怪石幾風雨達生要忘累人取應

我與

李和文家涼堂後石甚奇上刻平泉字蓋文饒自題也

昔吾卜城東今吾卜城中祗畏盜賊迫安知屢市
同畚鍤運渤海操蛇應未窮無乃遭此笑君如北

山翁

誅茅斬惡木衆卉方以朋掘沙到沮洳方復見此
澄客來恍異境物象初不增以此自誑目果下能
日察

池溪不可臨際水作石磴塵埃攪百里得此亦差
勝晨朝看雨坐蛙喜律呂應有兒不鼓篋共此疎
嬾興

物養有得失瘠地江河隈亭檻但小草山林自奇
材我有八極興聊堪一席開長嘯本造適悲風爲

誰來

自從移居來城市益啾擾如何跬步近亦有鷺下
沼竭來欲騁驚詰曲故百遶人間南柯夢方此猶
復小

黃冠一奇士教我漱華池茅檐夕堅坐見月柳間
低水蟲時一出細浪作鱗差流觀起百慮內視失
羣疑

平生惟親舊相得懷抱敞寧知老田里三徑得還
往結廬在人境此意陶令賞但話北窗涼何必義

皇上

次韵彦遠相州道中二首

自君之出矣，吾居關。畫橫尚有楊李來，時能出門迎。少日所忿愾，壯年替雙睛。涉月在一床，幾成小冠盲。夫子竹林趨世固，潤高明尚喜鞍馬間。經阿復緣泓，詩隨晚雨墮。迫戶有餘清，便擬釀白黍。相邀飮青精，重惜吾楊李。徂秋各南征。

朝入一几縱，算入一几橫。黃卷值咎人，歡與相逢迎。孫子謝口語，阮生勞目睛。登亦豈必暗，籍猶未

能盲學非經世具所貴自知明仁義有不然失時
悲戰泓一生屐幾量況欲埃河清動與道彌遠靜
於理逾精君能問舍往吾亦賣刀行

永嘉縣君赴潁昌杜丈之喪送至鹿邑境上

贈別

二十年糠粃相從無覩顏尊公抱至痛白玉掩溪
菅送子三百里西風涕沈瀾鄰喪罷相舂況我五
服間憐子一女子忘身赴憂患但恨莫攀輻賤生
守微官勿爲搯執悲我居不求安送死當大事丈

夫良獨難

綴古詩語送无斃弟赴舉

鮮民之生靡瞻匪父母氏劬勞寧不我顧兄弟無
遠惟予與女執子之手此夕何夕我心蘊結兮嗟
子弟行役二之日栗烈飄風發發子之清揚麻衣
如雪載馳載驅出宿於干揆之以日體无咎言既
差我馬遠送于野敦彼獨宿于林之下無衣無褐
不念咎者陟彼高岡或降于阿瞻望弗及獨寐晤
歌展轉反側不平謂何顯允君子洵美且異溫其

如玉千祿豈第春日載陽薇亦作止睨曉黃鳥嚶
其鳴矣

贈文潛甥楊克一學文與可畫竹求詩

與可畫竹時胸中有成竹經營似春雨滋長地中
綠輿來雷出土萬籟起崖谷君今似與可神會久
已熟吾觀古管葛王霸在心曲遭時見毫髮便可
驚世俗文章亦技爾詎可枝葉續穿楊有先中未
發猿擁木詞林君張舅此理妙觀燭君從問輪扁
何用知聖讀

補樂府三首

荳葉黃

蒹葭蒼荳葉黃南村不見岡北村十頃彊東家車
 滿箱西家未上塲荳葉黃野離離鼠窟之兔入畦
 豕母從豚兒豕啼豚咿咿街角復銜其荳葉黃穀
 又熟翁媪衰舖糜粥荳葉黃葉黃不獨荳白黍堪
 作酒瓠大棗紅繖荳葉黃穰穰何騰騰腰鎌獨健
 婦大男往何許官家教弓刀要汝殺賊去

漁家傲

漁家人言傲城市未曾到生理自江湖那知城市
道晴日七八船熙然在清川但見笑相屬不省歌
何曲忽然四散歸遠處滄洲微或云後車載藏去
無復在至老不曲躬羊裘行澤中

御街行

雙闕齊紫清馳道直如線煌煌塵內客相逢不相
見上有高槐枝下有清漣漪朱欄夾兩邊貴者中
道馳借問煌煌子中道誰行此且復就下論驄馬
知雜事官卑有常度那得行同路相効良獨難且

復東西去

濟北晁先生雞肋集卷第八

濟北晁先生雞肋集目錄

第九卷

古詩

和關彥遠秋風吹我衣

贈關滄關沼

贈王順之歌

遊棲巖寺呈提刑學士毅夫兄

聽閻子常平戎操

同楊希仲吳子進李希孝張景良北關納

涼晚過大安寺

同張子望顏伯儀上關納涼

開梅山

富春行贈范振

胡戢秀才効歐陽公集古作琬瑛堂

和縉雲守關彥遠浮山作

試院求李唐臣畫

黃河

酬李唐臣贈山水短軸

目錄

終

濟北晁先生雞肋集卷第九

古詩

和關彥遠秋風吹我衣

海中羣魚化黃雀林鳥移巢避歲惡鄴王城上秋
風驚管時城中鄴王第只今蔓草無人行但見黃
河咆哮奔碣石秋風吹灘起沙礫翩翩動衣裳游
子悲故鄉忽憶若耶溪頭采薪鄭巨君南風溪頭
曉北風溪頭昏一行作吏此事便廢夢中葉落覺
有埽意埽歟埽歟吾黨成斐然君今生二毛我亦

非少年胡爲車如雞栖鄴城裏朝風吹馬鬃暮風
吹馬尾與人三歲居如何連屋似千里我則不狂
曾謂吾狂不吾知亦何傷安能戶三尺塚家一吭
人亦有言人各有志吞若雲夢者八九長劔耿介
倚天外有如陳仲舉庭宇亦不治吾乃今知貴不
若賤無憂富不若貧無求負日之燠吾重裘芹子
之飫吾食牛心戰故臞得道故肥吾封侯匹夫懷
璧將誰尤端歟婦歟豈無揚雄宅一區舍前青山
木扶疎舍後流水有菰蒲今我不樂日月除尺則

不足寸有餘七十二鑽莫能免豫且無所可用乃
有百歲樗龔生意天天年非吾徒

贈關澮關沼

君不見杜侯咎爲歌行贈徐侯大兒色清澈小兒
氣食牛往有關尹官仕周其人有道其澤流會稽
竹箭無名久文采關侯二兒秀不然安取關尹後
何用黃雀青殼蓬間飛長背飽滿短背飢何用城
鳥嗷嗷八九雛端坐秦氏桂扶疎淵也詩足興功
也禮足立三年不見冠岌岌何用春耕投種歎粟

粒功成表氏九里溼君家會稽山頭松樹清江楓
乃翁行采薪所願溪上風男兒封侯食肉勳業須
少壯勿學乃翁呻吟蕭屑所願在溪上

贈王順之歌

王爲郡和
叔所厚

王郎見若不勝衣眇然儒者未有奇我知王郎有
奇處議論濤海拏蛟螭由周而來逮五季故事本
朝能盡知不惟知之業有用斟酌成敗中無疑我
聞管時崔浩亦復爾所懷百萬非熊羆人才如此
後來少朝廷水鏡區妍媸胡爲五十尚塵土長翮

似劍猶差池愀然對我數白髮追風逐日無由羈
三書自薦應不暇五府交辟終何爲邢侯胸中有
王霸不但遊談漢終賈勇於吾道一臂扶往不畏
難憂助寡似聞詩有雲龍期云何計出柏馬下豈
非事君難進從古然不然富貴終在天堆金買玉
患無玉玉至自駭無因前君不見東秦逐守拙難
似木石當前以身抵接浙去齊未敢言退飛過宋
聊堪比神形自問還自答因拙得全方至此少狂
于世等畫地老罷食功同履稀向長畢事漸可涯

彭澤棄官從此始山林不著一物隨平生萬卷付
羣兒收光牛背看屋壁更不刮膜煩金鑿遭時有
用君當起丹青宛轉麒麟裏我行此計無贏輸世
事從來奕碁耳

游栖巖寺呈提刑學士毅夫兄

飛樓壓城城跨野黃河逶迤避條華城南鳥道拱
高巖入谷車箱不容馬解鞍初步石苔青細泉鳴
遶竹間亭肩輿直上十八折維以采絲雙巨絙我
行枉矢復虵感三步一呼勞我僕前旌已作鶴穿

雲後隊方如蟻綠木千條倒澗淙大窰百丈層冰
凍坐瀑無雲而雲蒼翠橫無風而風翫翫聲崖窟
東轉路忽平長楊老柏森成城朱欄碧砌上窈冥
蓮花三峰只對面仙人玉女如相迎却臨北嶺望
吾郭萬瓦一垓令人驚孔侯翛然顧我語高真之
居隔風雨下視人寰如此許此中豈但蠻觸微千
古紛爭幾是非我言人處世此見釋氏義人食地
上穀足固不離地我今正在阿堵中與君安得生
兩翅却憶隋文駕六龍意比姬滿朝河宗當時萬

騎畱山麓登臨已卷長江東翠微宮裏亦如此依然古殿對喬松何況山中攜妓裴御史猶唱當時霜月空與君江南厭山水香鑪雙劍俱夢中異鄉同宦對絕景令我不指東飛鴻立戒兵厨釀春酒要看雪盡山花紅不須墮淚似羊守且可騎馬同山公

聽閻子常平戎操

峩陽之孤桐踣自霹靂斧龍伏之靈林復古斷文橫截絲百縷下垂七軫如牛乳上有明星稀可數

當軒拂拭待君鼓君心有在君未語仲尼管時從
師襄頎然一人猶望羊我獨懷之千古長杖策不
省頎之忘去年河決滄未補今年赤地無禾黍像
龍焚厓亦何取堂上平戎不敢聽且激南風召時
雨

同楊希仲吳子進李希孝張景良北關納涼
晚過大安寺

君不見少陵翁管時亦厭在泥滓青鞋布襪翁自
喜上關流水入城來青蘋之末風未已鴛言出游

我無酒張侯爲致尊中旨可憐築室甯封池下有
千房并萬蕊官曹十九民事聒況乃坐堂環榜挫
揚波沐髮安在哉我曹官冷奚不來日長飛鳥困
塌翼颺出仰喙魚張腮南箕不哆少女默焦噎坐
恐昆蟲猜楊君嘗攬轡獨出無把袂古藏大般若
中天立華厦同游得吳李張子亦予社登臨物色
爲我豪長空吹雨來蕭騷原爲起伏河出沒霧作
吞吐山卑高君不見幕中羣公府曹掾清談接武
金閨彥平明趨府罷亭午寧有食頃坐閒燕我曹

放意誠崛奇王事執掌慙周詩嵇康不堪章服裹
此事恐得通人嗤李侯挽我未宜下世間一笑如
此寡鄙夫敢慕從事賢少日采薪勤兩肩草玄亦
投閣醉者墜不愕安能學丁君高舉似黃鶴一屨
平生事百壺中慮廓且當俛仰宇宙間子欲觀海
須觀瀾所息安在良阻艱李侯有嘉意語若繭緒
曳不應開口煩睥睨愛身爲物太早計

同張子望顏伯儀上關納涼

高閣無風華屋熱正午四隣還往絕張侯不厭過

市煩呼我柳隄鳴蹀躞城如蚪背臥透迤城上戍
樓虬白鬢一水貫來淡宛轉萬家圍去綠參差囂
塵塞眼那能避未暇解衣聊埽地可憐繫馬著垂
楊可憐臺榭對池塘無限芳洲生杜若芙蓉菡萏
倚新粧鴛鴦相對鷓鴣舞飛去黃鸝獨無語登檠
未用伐蛟鼉苦菜黃瓜亦堪數張侯河目須垂膺
齒如明玉嚼寒冰未須坐上白羽扇談言自足驅
青蠅司業高情勿寂寞仲宣從軍良可樂欲看詩
句出嵌崆更饒酒量開磅礴廣文顛顛獨何人男

兒三十四方身相逢得意吐然諾俸二百錢終不
貧野橋偃僂風吹髮徙倚門關臨滸嶼江湖平日
憶蘇侯更詠夕陽明觀闕蘇文子由上闕詩云
落日回看觀闕明人
語喧喧未聽回木蘭晚放水萍開黃昏下馬天似
漆急雨傾屋翻狂雷

開梅山

開梅山梅山開自熙寧之五年其初連峰上參天
巒崖盤嶽闕羣蠻南北之帝鑿混元此山不圯藏
雲煙躋攀鳥道出蒼蔚下視蛇脊相資緣相資緣

窮南山南山石室大如屋黃閔之記盤瓠行跡今
依然高辛氏時北有大戎寇國中下令購頭首妻
以少女金盈斗遍國無人有畜狗厥初得之病耳
婦以盤覆瓠化而走堪嗟吳將軍屈死狎狎口帝
皇下令萬國同事成違信道不容竟以女妻之狗
乃負走逃山中山崖幽絕不復人跡通帝雖悲思
淡往求輒遇雨與風更爲獨力之衣短後裾六男
六女相婚姻木皮草實五色文武溪赤髀皆子孫
侏離其聲異言語情黠貌癡喜安土自以吾父有

功母帝女凌夷夏商間稍稍病侵侮周宣管中興
方叔幾振旅春秋絕筆逮戰國一負一勝安可數
邇來梅山恃險阻黃茅竹箭靈霧雨南人顛踣斃
溪弩據關守隘類穴鼠一夫當其阨萬衆莫能武
欲知梅山開誰施神禹斧大使身服儒賓客盈幕
府檄傳條初疑叩馬卒歡舞坦然無障塞土石填
溪渚伊川被髮祭一變卒爲虜今雖關梁通失制
後誰禦開梅山開山易防獠難不如管人閉玉關

富春行贈范振

錢塘江北百里餘漲沙不復生菰蒲沙田老桑出
葉麤江潮打根根半枯八月九月秋風惡風高駕
潮晚不落鼓聲瑟瑟櫓咿啞爭湊富春城下泊君
家茅屋竝城樓不出山行不記秋越船吳帆亦何
故今年明年來復去

胡戢秀才效歐陽公集古作琬琰堂

君不見廬陵公往爲學士修書日詔畀千金訪遺
逸遺文逸字往往出故都易姓幾兵火量鬻鼎腹
細詰誦道人岫嶼空有聞丘陵仙鬼事恍惚共和

十鼓記亡一嶧山肉在無復骨雲陽八體又瓜剖
至使漢童訛尉律世儒詭正何足臧公家安取千
軸藏仲尼猶及史之闕有馬借人吾敢忘題籤甲
乙頴水陽後來胡君癖膏肓領家自構琬琰堂摻
羅近出補厥亡荒林圯冢見未嘗南觀禹穴計渺
茫閉門睥睨在一床常恨平生好古家無力騎馬
蹊田觀斷刻中郎二字煩走驛率更三日勞野食
長年囊褚況易擲兒作墓朱婦遮壁願從胡君丐
無有十百數中聊取仿胡君今逸民盱眙不見十

五春坐令鉛槧老壯士朝廷豈無愛國人曩時豪
氣今誰在會面只謀千日醉聽君汗漫馳古先世
事無何付蟬蛻

和縉雲守關彥遠浮山作

在揚州城中捉點
刑獄之廨石色如

鐵其高可隱圖
經謂之浮山

廣陵形勝替所開崑岡作軸江爲門西來蜀道從
萬里伏堆藏阜爭崩奔盤挈感踏得江住精鐵一
畝巋然存半潛屋牖半出戶鼉龜見背熊羆蹲我
行平地是絕頂歎息但以指爪捫誰言一水限南

北壘遏勢極逾騰騫不然安得江南之山踴躍出
中流浮玉猶窗翠操權高視競瓜分島夷索虜何
煩述木蘭水調更淒涼延和小語尤蒼粹周公卜
筮貴坦平亦言有德易以興真人龍飛狐兔窘御
營周塹壓蕪城大明寺中老竹在九曲池上新荷
生君胡聞此不數往地中頑礦煩謝評自言家世
西湖側慣聞洗土開南屏欲空息壤發幽祕河曲
定笑勞精誠君不見珊瑚玲瓏石上吐海底有山
邠可觀

試院求李唐臣畫

有客攜來白團扇看君畫出翠微峰忽然陂水變
陰霧便有松林吹晚風松林陂水靜何極何處歸
舟天際識韋侯直榦儻不難杜陵東絹郵能惜

黃河

黃河齧小吳天漢失龜龍靈原潭下藕爛死只有
菖蒲不生節白馬橋邊迎送胡冀州斷道無來車
新隄築得高崦嶮舊隄杵聲未可絕

酌李唐臣贈山水短軸

李爲刑曹杜
君章知賞

大山宮小山霍欲識山高觀石腳大波爲瀾小波
爲淪欲知水溪觀水津營丘於此意獨親杜侯所
與復有人不見李侯今五載苦向營丘有餘態齊
紈如雪吳刀裁小毫束筍縑囊開經營初似雲煙
合揮灑忽如風雨來蒼梧泱泱天無日溪巖老樹
洪濤入榛林閭漠援狔寒苔蘚侵淫螺蚌溼紛紛
禽散江干沙有風北來吹蒹葭前洲後渚相隨沒
行子漁人婦徑失李侯此筆良已奇我聞李侯家
朔垂跨河而北寧有之曷不南遊觀禹穴梅梁鑲

澀萍滿皮神物變化當若斯元君畫史雖天與我
論絕藝無今古張顛草書要劒舞得意可無山水
助他日李侯人益慕

濟北晁先生雞肋集卷第九

濟北晁先生雞肋集目錄

第十卷

古詩

題惠崇畫四首

擬樂府十二辰歌

二十八舍歌

行路難和鮮于大夫子駿

跋遶曲

長安行贈郭法曹忠聰

悲來行哭石起職方

轡車引

贈戴嗣良歌時罷洪府監兵過廣陵爲東坡公出所奪西夏刀劔東坡公命作

秋夜古風

茗嘗行和於潛令毛國華

冤胸路

芳儀怨

五丈渠

賈碩秀才得兩圭有邸

閻子常攜琴入村

贈余樛年試院作

次韵都尉王晉卿天駟監邂逅作兼呈坐
客

濟北晁先生雞肋集目錄

終

濟北晁先生雞肋集卷第十

古詩

題惠崇畫四首

東風回江上渚何處來雙白鷺灼灼岸間桃依倚
蘭杜苗一銜湍瀨鱗一下青林梢瀟湘綠水春迢
迢

春

老柳無嘉色紅葉羞脉脉宛在水中洲雙鷺羽蒼
白何須玩引頸顛到寫經墨惟應一臨流當暑袵

絺綌

夏

一雁孤風乍臨渚兩雁將飛未成舉三雁羣行依
宿莽蘆花已倒江上風雲間分飛邨可同

秋

天高靄靄雲昏江闊霏霏雪繁渚下鴨方遠泛枝
間雀不聞喧鄙夫此志相依生涯稊稗同微欲具
沙邊短艇波濤歲晚人稀

冬

擬樂府十二辰歌

鼯鼠食牛牛不知牛不願駢而願犂虎噫來風皮
見藉兔狡宅月肩遭膈欲兆幽烽二龍死獨微晉
澤一蛇悲失馬吉凶方聚門亡羊臧穀未宣分沐

猴冠帶去始慙木雞風雨漠何聞不須皎皎吠蜀
狗阮子與豬同酒樽

二十八舍歌

戎菽有角原桑黃客愁啣噴聞扈亢轉蓬無氏行
役晚蟋蟀在房思婦惋男兒有心事弧矢十年風
光隨馬尾長鬚春米婢借箕斗酒爲君聊解頤誰
憐長夜飯牛苦安能臥泣羞兒女

闕虛危
二句

平生未

入君此室一廬儵然四壁立文章奎躔動圓天貧
有餘富黔婁賢功名不羞爛羊胃減鼎擒胡未能

計誰能簡畢老此生不用諷背招忿爭世事參商
君此行桂酒椒漿石井美山鬼幽篁衣薜荔莫江
老柳繫歸船蛟宮涵星動深淵張帆自慣夕風恬
九折摧輪鵠翼短他年君車當軫轉

行路難和鮮于大夫子駿

贈君珊瑚夜光之角枕玳瑁明月之雕床一繭秋
蟬之麗穀百和更生之寶香穠華紛紛白日暮紅
顏寂莫無畱芳人生失意十八九君心美惡那能
量願君虛懷廣未照聽我一曲關山長不見班姬

與陳后寧聞衰落尚專房

跋遮曲

君不見魯中羣兒歌跋遮跋遮跋遮何語耶吳歛
越吟初不省恐自塞北傳胡笳跋遮胡爲樂中華
試歌河漲水漸尖車河中耕泥春種麻麻生三歲
不開花菁菱兩角黑如鷓漁父笑且語誰能跋遮
舞君不見前年大旱河草黃草中魚子化飛蝗又
不見往年大雨雨決渠渠中朽瓜生老魚蝗飛食
場穀擊鼓煩趨撲我家家具如箭束今年梁山撓

濁淤兒無鋤麻姑來漁荷鋤往賣鋤買網空市無
丁丁斲船斲屋櫨艇子如星喚施眾夜唱跋遮曲
羣鳴起白鳧

長安行贈郭法曹思聰

越羅作衫烏紗幘長安青雲少年客梁門門西狹
斜陌飛閣氤氳多第宅南威十五桃花色簫管哀
吟動魂魄銀槽壓酒傾琥珀青絲絡頭飛緒白韓
狗胡鷹快多獲少年意氣區中窄金昆玉季盈十
百君獨飄翮異風格十歲鉛丹事書冊豈徒新豐

困寒阨能犯龍頭請恩澤送君此行無愴惻努力
功名傳烜赫它年尋我吳山側躑躅盈山禽磔磔

郭雅好山水
嘗約遊吳

悲來行哭石起職方

悲來乎石君吾何悲夫斯人婉兮河之津
厖眉白面照青春朱紱斯煌映路塵
翩翩者驥銀鞍新東來奇意安所伸
大野旣漭唯赤墳穀垂穎麻敷芬
亡逋來復瓦鱗鱗高堂擊鮮會衆賓
賓賓起舞君欣欣何人末至居客右
西郭之一儒迂且貧迂且貧

自隗始能招劇辛致樂毅四方遊士爭來奔戶內
光儀亦可論大息拖縉紳中息氣氤氳小息秀眉
目天上青秋雲朱旗画舸長隄曲去時簫鼓黃塵
覆無復當年子產婦至今人作嬰兒哭西郭之一
儒無事門生苔久雨足不行官街常時門前車馬
客舊雨自來新不來聽我陳張叔卿孔巢父皆隱
淪無人汲引長飢辛日午不出開衡門前侯後相
安敢論憂殺口間縱理紋長慟吾邦對遺跡耿耿
一心誰我識徐君已死劔不忘心已許君邨復惜

鸞車引 詠史

推鸞車伐鼙鼓從帝子迎天女
天女喜立龍旂馮小寶光陸離雲
斑斑覆銅山新城鳴鳩如乳鳥飛
來爲爾棲青梧控鶴府令雲衣裾
僕射竄死令公誅婦懼兒無呼兒
呼驚索胡宜都內人立次且手
擎何物金唾壺請爲大家畫長圖
徐公子譁且止卿無來明堂屢舞
覆龍盃覆盃之傍戲大鼠卿欲
投之梁公懼

贈戴嗣良歌時罷洪府監兵過廣陵爲東坡

公出所獲西夏刀劔東坡公命作

三郎少日如乳虎代父搏賊驚山東硬弓長箭取
官職自說九戰皆先鋒將軍拳勇饋不繼痛惜靈
武奇謀空城頭擲揄下俛走壯士志屈羞填胸平
生山西踏霜雪洪府下溼號兒童聞名未識二十
載初見長揖東坡公銳頭短後凜八尺氣似飲井
垂檐虹只令不語當陣立望見已是千夫雄往年
身奪五刀劔名玉所擐犀札同晨朝攜來一府看
竊指私語驚庭中紅粧擁坐花照酒青萍拔鞘堂

生風螺旋鉉，鏿波起脊白蛟雙。挾三蒼龍試人一
縷立，褫魄戲客三招森。動容東坡喜爲出好礪，洮
鴨綠石如堅銅收藏入匣人。意定蛾眉稍進琉璃
鍾，太平君子尚小恙。戒懼邾小毋，莽蜂舞于兩階
庶可觀。跳空七劔今何庸，我爲蘇公起揚解雅歌。
緩帶聊堪同從公，請礪歸作硯聞公嘗諫求邊功。

秋夜古風

瑤池始波縣圃風，鄧林飛葉雲攬空。人間櫟社幾
黃落，曉窗洗黛悲青銅。常嗟彭祖悔杖晚，不見王

母桃花紅安知帝怒削龍伯與嶠已沒歸墟中楚
人方復感時節申旦不寐同秋蟲虛堂氣入枕簟
肅熟寐不復聞噤噤大言身塞不得仰了語無異
鴻毛烘天如旋磨人蟻却更千萬日勞何功漢南
種柳人笑爾江潭悽愴彫形容小樓遐觀午夜闌
涼月不盡山無窮一身逆旅過萬物千古昨夢如
驚蓬胡床收慮斲一息杲杲已上扶桑東

茗雪行和於潛令毛國華

茗溪清雪溪綠溪水灣環繞天目山間古邑三百

家日出隔溪聞打衙長官長髯帽烏紗不曾執板
謁大尹醉臥紫蘭花影斜紫蘭花開爲誰好年年
歲歲溪南道不見西陵白髮人荆江夜雪唱陽春
陽春絕唱和者寡客醉聞之雙淚灑夜來魂夢海
中山縹緲雲濤煙浪間雲濤煙浪不可渡睡覺秋
風落桐樹秦吉了秦吉了言語無人會無人會得
奈君何且向紫蘭花下醉

冤胸路

棠梨葉戰風騷騷紙錢窸窣鳴空郊背人獨鳥歸

寒巢子亦投村指橫橋茅檐霜月照征袍夜冷不
寐聞狐嗥悼我爲生良已勞兩手如龜髀肉消青
樓公子燒蘭膏雪壓屋倒飲方豪睡覺三竿紅日
高

芳儀怨

事見虜
廷雜記

金陵宮殿春霏微江南花發鷓鴣飛風流國主家
千口十五吹簫粉黛稀滿堂侍酒皆詞客拭汗爭
看平叔白後庭一曲時事新揮淚臨江悲去國令
公獻籍朝未央敕書築第優降王魏俘曾不輸織

室供奉一官奔武彊秦淮潮水鍾山樹塞北江南
易懷土雙燕清秋夢柏梁吹落天涯猶竝羽相隨
未是斷腸悲黃河應有却還時寧知翻手明朝事
咫尺人生不可期蒼黃三鼓滹沱岸良人白馬今
誰見國亡家破一身存薄命如雲信流轉芳儀加
我名字新教歌遺舞不由人採珠拾翠衣裳好淡
紅退盡驚胡塵陰山射虎邊風急嘈雜琵琶酒闌
泣無言徧數天河星只有南箕近鄉邑當時千指
渡江來同苦不知身獨哀中原骨肉又零落寄詩

黃鵠何當回生男自有四方志
女子邨知出門事君不見李君
椎髻泣窮年丈夫飄泊猶堪憐

五丈渠

五丈渠河水蓄堤三里餘懸流下噴水
渤潏訛言相驚有怪物灤東漁子浮
兩舠清晨徑流雙鬣搖驚人跳起橫
觸島大鱗十尺長夭矯殺之信宿不
敢言竝村稍稍聞者誼伐鱗封肉擔
揭去兩日一村猶犬飢夜來水泛州
西原青青百頃白波翻里巫推變咎
漁子豫且賊神實爲此此邦一年不
穀

食賣魚取錢當常職聞道相家口津人無敢憑大
魚死小魚靈

賈碩秀才得兩圭有邸

混沌既鑿元氣痛鴻源滔天堯曰吁羽淵之化三
足通玄圭告功聞禹書姚虞班器奔九區塗山合
瑞羣辟趨三股肆伐夏寶俘下逮皿祭仍鬻辜饗
有明德繫玉如霍山屬之醫無閭裂崖剖璞陳璠
璵追琢出美山爲虛兩圭禮地四望俱寸尺可識
形可圖緡城之西物色古霹靂野火燒牆堵大氓

築室動千杵奔泉啓錫幽奇覩陰溪埋冰剝寒土
濃氛却埽孤月吐森然騁立疑未舉熒熒幽光射
敗筓鄰人進說田父怖張伯不敢私自取初來書
地爲予語邸圓中規圭合矩瓌奇未可一二數羸
顛劉蹶分莽鹵禮嚴登降謹仰俯牲玉不加隨豆
簠簠羊之存良小補此寶豈徒周石鼓鄴城尺鐵
尚可神老蚪躍水生雷雨

閻子常攜琴入村

閻夫子通古今家徒四壁猶一琴今年二月雨霖

靈喜君隴麥如人淡屋間幽默咸池音高山流水
我非聽聽我說君辛苦吟薛老村西十里地旱日
燎原無柳林芒屨曳杖逐鎌籠當午未食飢燒心
芸芸麥田翻黃波蝻蟲盤穗如蝸螺麥未收打催
種豆屋下跡少田間多閻夫子時我過我與夫子
良同科四體雖勤口舖衆煮豆然其寤奈何人謂
君琴語辛苦此曲無乃傷天和君不見夫子宋圍
不糝猶弦歌

贈余樗年試院作

平生車軌周四方結交童齒老相忘異哉余子久
彌芳吳人猶記稱周郎河豚入網荻芽長宜興罨
畫煙水蒼風雩春服真少狂不愧戴崇升後堂

王時

平父方教授毘陵
樗年所最厚也

橫戈筆陳倒千槍叔鸞獨步禹

出羌

樗年秦藝開
封第一故云

世儒膠擾何足臧說食不救飢

求糧瞥息振衣千仞岡空林無人一繩床五車純
束不在旁欲徹梯磴排空驥鍾山春水繞城隍從
師不憚白笈裝矢鋒相觸塵不揚驪黃牡牝若滅
亡子嚴主簿志不償厭見朱墨紛愴囊西風雲日

思帝鄉東華拜勅鳧綴行黃昏闔闔飛驢驢虛堂
節候變金商閉門蟋蟀鳴我房吾君仁聖周成王
屏驅虎豹開明光山龍粉米雜青黃多儒可贊至
治香園檀山石豈荒涼潢汗蘊藻須豆觴願君與
借羽翮翔賢書蠶列升未央君如病鶻待秋霜牛
衣未可悲王章公朝道關五達莊服襄按節緩勿
忙夢松生腹渠不祥莫車上儻應循牆功成歸飲
沆瀣漿發機要若黃閭張

次韵都尉王晉卿天駟監遊返作兼呈坐客

平生杜元凱學問光奕世戚聯帝室未要論烜赫
功高羊叔子赤霄翔舞須威蕤孔翠文章豈其累
崇臺作山池作湖富貴所要聲名俱酒樽詩句得
過薄小隱山城殊未疎曹侯詞翰諸公客慣聽清
歌耳傾側天閑兩驥看追風晴軒忽下飲河虹拳
毛妙畫不可見顏公筆精如對面鄧張不醉無攬
轡燒燭林間鵲飛起第語曹侯繼張燕鄰榼如澗
不憂淺

濟北晁先生雞肋集卷第十

濟北晁先生雞肋集目錄

第十一卷

古詩

鄧御夫爲窟室戲題

揚州被召著作佐郎自金山回阻水作効

退之陸渾山火句法

澶守諫議韓琦禱雨有應

依韵和子充雜言

徑山

次韵太學正朱遐叔考試小疾見寄

淮孺

寄懷壽光主簿四叔父

叔麥呈王松齡秀才

花林示楊彭年秀才

莎雞食蝗

題李偁推官頤齋

荅趙滋主簿

飲城西贈金鄉宰韓宗恕

荅陳履常秀才謔贈

和王仲甫病暑

贈送澶州監酒稅劉銓殿直

和顏隨飲酒

歷沙觀梨

過金堤劉景文

送趙燮

送石梁赴舉

濟北晁先生雞肋集目錄

終

濟北晁先生雞肋集卷第十一

古詩

鄧御夫秀才爲窟室戲題

君不學馮驩彈鋏從薛公
貸錢燒券悅市傭
又不學魯連約矢射聊城
笑夸田單取美名
何爲空郊獨坐一茅屋
淡如魚潛遠蛇伏
荒檐野蔓幽莫矚
窺戶下投如墜谷
其外桑麻雜蔬菽
白水寒山秀川陸
秋風蕭蕭吹苜蓿
晚日牛羊依雁鶩
朱書細字傳老子
靈穴蠅穿無卷軸
我來不暇問出處
但

愛君居伯夷築九月九日秋氣涼芙蓉黃菊天未
霜登高能賦豈我長從君此庵時相羊不用糟丘
譏腐腸酒酣猶能歌楚狂我敬先生不敢量二三
子者亦自彊潔身亂倫非所望

揚州被召著作佐郎自金山回阻冰効退之

陸渾山火句法

二年官楊猶一炊丞聲母害守不譏帝知無功呼
返之具舟從江民不知道傍愚叟爲滄溟豈無愛
人如爾爲我謝叟歸視汝兒風號鴻潦水涸陂水

塞川船不可移白蜺橫野光透迤寒威上射小日
規旦行一里方午維十日繫野兒啼飢中無載盜
過不窺官令十夫爲操椎耶許相力哀復疲我笑
遣夫是安施霜不殺草聖所歛歲十一月冰固宜
逆天進亦不可幾爲兒搏飢兒安嬉寧三月暖猶
流澌

澶守諫議韓琦禱雨有應

長規飲井井欲乾白鼉鳴窟淒風寒公馬未駕陰
漫漫公婦溼襖濡旌幡霜刀不染鸞頸殷塗龍安

享雩舞閑隰桑有沃柔可攀小麥青青大麥攢拜
公起舞公顏歡明日空階響夜闌屋漏不復愁衣
單帡幪廣厦安如山

依韵和子充雜言

君不見東方朔避世金馬門侏儒倡郭同陸沈滑
稽突梯意已淡不如孫登閉口逃蘇門身猶孤鳳
無與隣心知嵇生未識真兒童讀書聞人孝遭時
有用可以移於君孔子繫易辭尊乾而卑坤耦耕
未足問禮則鳥獸固自羣荆榛孟嘗聲勢一旦消

獸豕上之牧良可悲苟爲貧賤不濟物身死泯然
俱若茲聞君早慕棲竹林何忽作此悲來吟嚴君
肥遯業討論少年宜自有異聞窮達俱性外學者
所不陳惟勿枉道寧屈身豈欲行不由徑如滅明
不然不欲乞醯於隣同微生白駒雖潔空谷難久
將誰親當詩一篇差可人秋蘭麝蕪亭下生亦蕃
夫人自有美子何足言採擷但慰吾愁魂吟詩作
賦北窗詞更妍萬言不直一盃何足憐伊叟聊用
寫吾年能來西疇清坐一榻橫長飢亦不轅登云

無羨荀卿論義策選庭大不近人情是非亦置之
古人踴躍涼涼生何為揚雄擇中庸反騷痛湘纍
我今不見雄此心猶為君子夷世間趣舍不同豈
但羊棗餽陶潛自謂結廬人世無車馬喧心遠能
爾安有鄭君其門如市亦能自謂我心如水

徑山

盤崖繞經步步高僕痛馬乏游人勞五峰崛起干
雲霄衆山奔走爭來朝我行直欲犯星杓意徹絕
頂纔山腰松間鳥語如我招仰見白塔當林梢檐

攜上下若桔槔路窮飛樓鬱岩崑欽翁未來蔽菅
茅山精木怪謹游傲磨馳虺竄徃鼉跳靈景晦昧
何由昭忽然飛錫從江皋窮探不憚東峯遙曲腰
丈人白絲袍再拜辭前風電飄三百年來響鍾鏡
閩商海買輸金刀直欄橫牖山周遭晨叅夜諷聲
嘈嘈碧杉紫柏羅旌旄客來六月忘炎歊明月庵
前醉松醪白雲峯頂瞰吳郊鷲毛一點錢塘潮錢
王宮闕如累樵臨之股慄精魄超婦不得寐心搖
搖含輝孤亭立嶢嶢此地覽景尤難逃五更月落

禽嘲嘲陽鳥欲上海水燒晦明變化不終朝倏陰
忽晴狀莫描夜闌燈青雨飄蕭偶坐兩客論幻泡
探玄窟妙窺寂寥破除世事無絲毫不奈詩思猶
彊豪歸時日沒紅霞消荒崖老木山蟬號

次韻太學宋學正遐叔考試小疾見寄

蕭然如裴叔則頰毛疎復長邈然如王夷甫高致
宜廟廊功名四皓雲泉外詩賦三閭草木香君莫
誇熙寧登科面玉雪只今未老鬢髮蒼不應彈琴
酒鑪坐消渴還有禪病縛不忘相拋白社一歲長

浮我杜舉須十觴
結交齊東李文叔
自倚筆力窺班揚
談經如市費雌黃
水炭何用置我腸
勝遊獨不思迎祥
滄舟荷渚水中央

淮孺

淮孺日沒風卷沙
黃昏飛雪如落花
孤舟有客寒不飲
欹枕關篷夜憶家
雪飛篷底洒我額
篷隙虛明來曉色
紙屏布被風颺颺
驚起開篷滿船白
船頭雪重折黃蘆
下有宿雁驚相呼
天寒四野無行客
凍臥孤舟愁盜賊
厭聞淮浪打船聲
原上風號

天正黑土膏已動春陽來安得長風掃霧開豁然
天外見白日爲君挂席凌清淮

寄懷壽光主簿四叔父

我初就學首未冠叔父不以童兒看我今生年二
十一叔父晚作東州官側身西望不得見淚下兩
臉何洸瀾青春白日不照貧士屋使我四壁長年
寒六年兩歲從進士晚學揚雄識難字貸錢乞米
出都門鼓腹吹簾入吳市讀書擊劍老死終何爲
古來慷慨無人知上有九重之青天下有百尺之

黃泥収聲藏熱等雷火白楊蔓草秋風悲生亦不
可料死亦不可量荆山長號別兩足何如船尾歌
滄浪我不能鉤章抉句攀俊造又不能赤雞白狗
追年少矯首翻腸無一言歸去吳松學漁釣主簿
卑官何所施秋來兩鬢應生絲阿宜已冠無成事
猶憶它年冬至詩

収麥呈王松齡秀才

晁莊寂莫依東山王莊負郭容往還東山刺薊淡
一尺負郭家近饒盤餐穿鞋戴笠隨麥隴早日炎

炎煙燎顏賤貧辛苦事當爾君屋鱗鱗三百間

花林示楊彭年秀才

花林遠望春陽浮卒然相值東山頭犢兒初乳毛
物潤鷓鴣子欲哺鳴聲柔一生會合盡天幸萬事反
覆非人謀倒頭且擬醉千日相如渴病乾咽喉

莎雞食蝗

居貧得田不百畝天賜時雨苗氤氳遲明當熟晚
未刈災蝗夜至如驚軍秋風吟茅雨洗瓦葉上穗
落青紛紛常嫌莎雞聒麥隴紡車細掉喧晨昏莎

雞可憐爾吻利驅蝗逐蝻羣披分豈惟秋蟬畏蝗
斧蝗亦爲爾森跳奔天下災蝗凡幾郡安得爾輩
盈千羣揚眉振羽如屯雲爾雖彊聒誰煩聞

題李佃推官頤齋

無捨靈龜觀朶頤自求口實君自知誰爲此者君
名之其說不煩求我詩君家嚴君業夔伊虎視耽
耽雄四夷四方是維天子毗汶陽一室大澤陂我
徃受業拜門垂聞公一語洗然奇我歸瞠若安可
追君才固是麒麟兒幼讀父書壯恩施不卑小官

乃吾師況有內樂潛天倪荒城無人誰過之面城
築室茲透迤去年秋雨河股移百草不生苔擁基
蟻子緣礎蟻糞泥夜眠不穩憂爲池今年閏早春
氣遲牆根隙地稍可埤初植防風種黃耆萊州石
鼎青琉璃地鑪宿火風鳴枝對君長語清未疲外
輕內順生理宜問從何得聊我治平 睂州夫子言
可規麻田處士術安期今之崇丘歷九疑見人不
語下臂馳遁逃乎陰食蛤梨君何愴囊不往隨與
訪汗漫還無時還無時我何適北山之南南山北

荅趙滋主簿

我簪尋幽徑山上曾傍茗溪弄菱漿南臨天目指
掌間隔嶺如聞笑言響年來清血斷征衣碧髮丹
顏日夕非便欲相期煮白石與君晚入煙霞飛

飲城西贈金鄉宰韓宗恕

大夫盤中定州盞三舉檐花舞凌亂請君行盞且
莫稽爲君起賦飲城西古道如澗澗東風吹
沙不見林虛堂更覺野原闊榆柳浩浩波濤吟雜
花一園來遠道兩株江南梅更好櫻桃已晚猶爛

漫百株如雪聊可繞常時東風無此寒常時諸君
無此閑且看瓶口似魚貫莫惜面文如纈斑大夫
工爲宋玉賦思不能涯字無數秀才酷類東野貧
白屋青山愁曲身籍咸不肯羞北阮主簿高材卽
仇覽成詩午景已妍和罷酒花開應更多山翁歸
不醉當奈峴山何

荅陳履常秀才謔贈

驅車觸熱中煩滿苦無蔗漿凍金盃陳君詩卷可
洗心持作終朝晤言伴男兒三十四方身布衣不

化京洛塵白駒皎皎在空谷黃鳥睨睨鳴青春子
桑之居十日雨入門不復聞人語形骸正是吹一
映安用虛名齊后土文章初不用意成黼黻帝躬
臨下民時花俚服誚新巧牛馬安所辭吾名禹穴
幽奇行可疆江北江南正相望蔡濤鼓柅何當往
愛惜水袖桃竹杖不應越女三年畱相見還須未
白頭蓬生知非苦不早巨絳夜半遺藏舟達人一
言嚆矢疾相從琢磨悔去日菖蒲正是可憐花我
獨聞名不曾識

和王仲甫病暑

吳邦憚暑如蜂蠆河曲還遭長日曬蔗漿金盃賴
蠲煩內託潛陰數爲敗黃昏乍快風吹髮驅拊蚊
虻坐明發青衫主簿氣如雲茂陵無事悲消渴茫
洋河伯何爲者兩涘無因辨牛馬何生狂夢涸歸
墟喉舌湯湯未勞瀉能來一嗽華池津七椀清風
立有神更尋齒下微妙訣遣君體適仍魂平案頭
白紙如堆雪人事紛紛日將月與君未遇尤四時
利害相磨生內熱

贈送澶州監酒稅劉銓殿直

頓丘淇水雄朔方官收權算資公藏晨朝百販羅
庭堂望門逆鼻聞椒漿惜哉劉子氣方剛我冠凜
凜頤而揚丈夫有志固難量短袖不足供倡佯黃
河七月鳴浮梁風埃瘦馬景山長劉子何之魏北
鄉悲歌彈鋏邀孟常馮驩一語驚齊王況如劉子
足自彊讀書滿腹鉗爾吭鄴城埋寶夜則光士惟
不用久乃彰不見將軍家平陽遭時有用名焜煌

和顏隨飲酒

樊山夜漲河鳴鼓奎火占中知溽暑顏闔居鄰胡
子都共喜夏麋登宴俎叅軍河北主簿南騎馬相
逢不相語市西老屋斷人居自覺天風生廣宇青
菅席坐土階溼黃綆汲泉埽井古翩翩後至王將
軍開口相投律呼呂丈夫得意吐然諾盃酒形骸
安足數露頂張顛且勿憤起舞我能先衆客二豪
禮法空是非一斗三盃眼方白中虛嘔冷腹橫絙
汗如槁壤朝陽蒸沸然煩厭暫莫遺飲蛇不省疑
吞繩稀苓卷桂導停飲兩日不咀公厨米長篇忽

聽鳳皇曲却似半嶺逢孫登君家鐺勺還應洗須
我下床仍食美西池何似漢江長誰使蒲萄變新
泚醉捉蟹螯學五指吏部拍浮非在水抱琴寧復
待招邀昨夜雨涼孤興起金丹定有換腸藥不用
俗醫論表裏

壓沙觀梨

鄴城旁缺通清溝城南之水城中流白沙漲陸最
宜果萬梨壓樹當高秋去年花開往獨晚不見瓊
苞腸欲斷隆冬騎馬傍高原却恨枯枝寒日短忽

然變化何處來一夜東風吹雪滿晴川極望百晦
開三山銀闕正崔嵬雜花不容一朵間照眼冷豔
雲爲堆堂中置酒對已好千葩萬蕊誰能繞暝景
氤氳一片忙蝴蝶飛來落青草人間浩蕩看春光
豈徒田獵心發狂向人慘澹迫歸興落日峴山催
羽觴故園桃李春蹊沒惜哉拔去無奇術明日重
尋儻可期暴雨流堦不能出

過金堤劉景文

雲間高堞如雲白草下溪濠如草碧逶迤隴斷出

平堤前見黃河如帶直官居乃在城西原荒臺古
木鳥鳥翻美人芳氣如秋菊坐令曠曠棄中園不
憂洶澤豪不殺夜識漢中龜髓在借須走馬候水
曹後時此會何由再霸陵往來初避名執賈不回
人更驚無心躑躅路寢養服車安用仍一鳴未若
捧甕何不可二豪螟蛉與螺贏況聞舉案良亦賢
那愛玉花論酒錢不然僚慄坐歲晚風入衰柳催
寒蟬我論李君其趣獨自喻愚公徙王屋是中聊
可外形骸官閑方轡相與來

湖澤河源
見山海經

送趙燮

趙侯慷慨諸公客少日論兵今髮白自言頗似韞
上鷹老得一州聊鍛翮送行誰復雙眼青斷腸紅
頰傾淥醪停歌自解水蒼佩醉騎紫燕黃河水

送石梁赴舉

鶴知半夜難知旦歲晚淹留客心亂功名識時貴
及早不忍飭牛衣至翫家居負米有季弟能視明
星弋鳧雁男兒業就可以行桃李榮時腰綬燦

濟北晁先生雞肋集卷第十一